

## (42) يا ناس عيب عليكم

\*\*\*\*\*

يا ناس عيب عليكم أنا عقلي مني طار  
واللا أدفن نفسي صاحي وأخذ لي كام عيار

يا اللي بتاخذ بالتار يا ساقيني المرار  
يا عم عيب عليك دا الدار في وش الدار

يا ناس عيب عليكم أنا عقلي مني طار  
واللا أدفن نفسي صاحي وأخذ لي كام عيار

يا اللي واخذ القرار وعاوز تضرب بالنار  
أنا عقلي مني تاه ولازم لي حفلة زار  
الحب بحر غويط الحب ما لهوش أرار  
ياما غرق حلوين وحيير بنات الدار

يا ناس عيب عليكم أنا عقلي مني طار  
واللا أدفن نفسي صاحي وأخذ لي كام عيار

الحب ماهوش أسرار دا بيشعلل زي النار

ياما حرق قلوب وألف بيت ودار

وياما إنهدم وإنهار وسهّر عيال الدار

وبكّي ولاد بالليل وبنات في عز النهار

يا ناس عيب عليكم أنا عقلي مني طار  
واللا أدفن نفسي صاحي وأخذ لي كام عيار

\*\*\*\*\*

إلى اللقاء فى الديوان الثانى